



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Svpplementvm Tertiæ Partis

Thomas <von Aquin, Heiliger>

Romae, 1619

Vtrum propter homicidium aliquis debeat ab ordinibus prohiberi? 4

urn:nbn:de:hbz:466:1-38817

spiritualis potestatis est aliquis obligatus ad aliqua-
triam corporaliter agenda: & ideo per corporalem
subiectionem impeditur.

Ad secundum dicendum, quod ex multis alijs quæ
non præstant impedimentum executioni ordinum,
potest aliquis occasionem humilitatis accipere: &
ideo ratio non sequitur.

Ad tertium dicendum, quod beatus Paulinus^{*} ex
abundantia charitatis spiritu Dei ductus hoc fecit:
loco cita-
to in ar-
gum.
quod rei cœntus probauit, quia per eius seruitutem
multi de grege suo sunt à seruitute liberati. Et ideo
non est ad consequentiam trahendum: quia ubi spiri-
tus domini, ibi libertas, 2. Cor. 3.

Ad quartum dicendum, quod signa sacramentalia
ex naturali similitudine repræsentant: mulier autem
ex natura habet subiectionem, sed non seruum: & ideo
non est simile.

Ad quintum dicendum, quod si est promotus scien-
te domino suo, & non reclamante, ex hoc ipso effi-
citur genus. Si autem eo nesciente, tunc Episcopus,
& ille qui præsentavit, tenentur domino in duplum,
eximiū premium serui, si sciuerit ipsum esse seruum:
alias, si seruuus habeat peculiū, debet scipsum redime-
re alioquin reduceretur in seruitutem domini sui, non
distanter quod ordinem suum exequi non potest.

ARTIC. IV.

Vitam propter homicidium debeat aliquis ab ordini-
bus prohiberi?

Ad quartum sic proceditur. Videlur, quod pro-
per homicidium non debeat aliquis a sacris or-
dinibus prohiberi. Quia ordines nostri sumperunt
unum à Leuitarum officio, vt in præcedenti distin-
ctione dictum est. Sed Leuitæ consecraverunt ma-
nus suas in sanguinis effusione fratrum suorum, vt pa-
ret Exod. 32. Ergo & in novo Testamento non de-
bet aliqui à susceptione ordinum prohiberi, propter
sanguinis effusionem.

¶ Præterea, Propter actum virtutis nullus de-
bet

160

bet impediri ab aliquo sacramento. Sed aliquando sanguis effunditur per iustitiam , sicut à iudice; & peccaret habens officium , si non effunderet. Ergo non impeditur propter hoc , à sacramenti suscepione .

¶ 3 Præterea, Pœna non debetur nisi culpa. Sed aliquis sine culpa quandoque homicidium committit, sicut se defendendo , vel eiām casualiter. Ergo non debet incurrire irregularitatis pœnam.

*in decreto.
lib. 5 tit.*

*12. de Homicidio
volunta-*

rio , c. 1.

8. 10. &

11.

SED contra hoc sunt piura Canonum † statuta, & Ecclesiæ consuetudo .

RESPONDEO dicendum, quod omnes ordines feruntur ad Eucharistia sacramentum, quod est sacramentum pacis nobis facta per effusionem sanguinis Christi : & quia homicidium maxime contrariatur paci , & homicidæ magis conformantur occidentibus Christum, quam iphi Christo occiso , cui omnes ministri prædicti sacramenti debent conformari; id est de necessitate præcepti est, quod non sit homicidio qui ad ordines promouetur , quamvis non sit de necessitate sacramenti .

Ad primum ergo dicendum , quod vetus lex infrebat pœnam sanguinis, non autem lex noua: & ideo non est simile de ministris veteris , & nouæ legis quæ est iugum suave & onus leue .

Ad secundum dicendum, quod irregularitas non incurrit propter peccatum tantum, sed principaliter, propter ineptitudinem personæ ad sacramentum Eucharistia ministrandū: & ideo iudex, & omnes qui in causa sanguinis ei participant , sunt irregulariter propter hoc , quod effusio sanguinis non decet ministros dicti sacramenti .

Ad tertium dicendum , quod nullus facit nisi illud cuius causa est , quod est voluntarium in homine. Et ideo ille qui ignorans hominem occidit homicidio casuali, non dicitur homicida, nec irregulariter incurrit: nisi operam dederit illicita rei , vel nisi omiserit debitam diligentiam: quia iam quodam modo